

擊壤集 一

漢	書	門	類
一	八	七	
一	九	七	
七	三	九	
冊	架	函	號

內	閣	文	庫
漢	書	類	
一	八	七	
三	二	九	
函	冊	號	架

內閣文庫	
番號	漢 1887
冊數	7(2)
函號	312 209



A 1 2 3 4 5 6 M 8 9 10 11 12 13 14 15 B 17 18 19

Kodak Gray Scale



© Kodak, 2007 TM: Kodak




淺草文庫

擊壤集卷之一

明後學嘉興徐必達校正

觀碁大吟

人有精游藝予嘗觀奕碁筭餘知造化着外見幾微
 好勝心無已爭先意不低當人盡賓主對面如蠻夷
 財利激於衷喜怒見於頰生殺在於手與奪指於頤
 戾不殊冰炭和不侔塌簷義不及朋友情不通夫妻
 珠玉出懷袖龍蛇走肝脾金湯起樽俎劍戟交幟幃
 白晝役鬼神平地蟠蛟螭空江響雷電陸海誅鯨鯢
 寒暑同舒慘昏明共蔽虧山河燦輿地星斗會璇璣



因觀輪贏勢翻驚寵辱蹊高卑易裁制反覆難拘羈
心迹既一判利害不兩提卷舒當要會取舍在須斯
智者傷於詐信者失於推真偽之相雜名實之都隳
得者失之本福為禍之梯乾坤支作訟離坎變成睽
弧矢相凌犯言辭共詆欺何嘗無勝負未始絕興衰
前日之所是今日之或非今日之所強明日之或羸
以古觀後世終天露端倪以今觀往昔何止平庖犧
堯舜行揖讓四凶猶起趙湯武授干戈一老誠有譏
雖臯陶陳謨而伊周獻規曾未免矣夫療骨而傷肌
仁為名所敗義為利所擠治亂不自已因革徒從宜

與賢不與子賢愚生瑕玼與子不與賢子孫生瘡痍
或苗民逆命或有扈阻威或羿浞起釁或管蔡造疑
或商人征葛或周人乘黎或鳴條振旅或牧野舉旗
灼見夏臺日會照升自而安知菱里月不照逾孟師
厲王奔於瑤幽王死於驪平王遷於洛赧王敗於伊
或盟於召陵或會於黃池或戰於長岸或弑於乾谿
或入於鄢郢或棲於會稽或屠於太梁或入於臨淄
五霸共吞噬七雄相鞭笞暴秦滅六國楚漢決雄雌
天盡於有日地極於無涯遐邇都包括縱橫悉指揮
井田方奕奕兵甲正纍纍易之以阡陌畫之以郊畿

銷之以鋒鏑焚之以書詩罷侯以置守強幹而弱枝
重兵樓上郡長城塹邊陲自謂磐石固萬世無已而
迴天於指掌割地於階墀視人若螻蟻用財如沙泥
阿房宮未畢祖龍車至戲驪山卒未放陳涉兵自斷
灞上心非淺鴻門氣正滋咸陽起烟焰南鄭奮熊羆
人鬼同交錯風雲共慘悽項強劉未勝得鹿莫知誰
約法三章在收兵五國隨廟堂成筭重帷幄坐籌奇
廣武貔貅怒鴻溝虎豹饑滎陽留紀信垓下別虞姬
三傑才方展千年運正熙山川舊形勝日月新光輝
正朔承三統車書混四維方隅無割據窮僻有羈縻

后族爭行日軍分南北司當時無佐命何以救顛隳
百戰方全日長兵震天垂豈知巫蠱事禍起劉屈氂
冢宰司衡日重明正渺瀰見危能致命無忝寄孤遺
劇賊欺孤日行同狐與狸宮中凌寡婦殿上逐嬰兒
龍戰知何所冰堅正在茲潰堤雖患水禦水敢忘堤
東漢重晞日昆陽屋瓦飛幽憂新室鬼狼籍漸臺屍
鄗邑追隆準新安掃赤眉再逢火德王復覩漢官儀
竇鄧綠中饋閻梁挾牝雞經何功殆盡至董業都糜
河洛少烟火京都多蒿藜長天有鳥度白骨無人悲
城有隍須復羊無血可割大厦之將顛非一木可支

孟德提先手，仲謀藉世資。玄德志不遂，竟終於涕洟。
西晉尚清談，大計懸品題。婦人執國命，骨肉生癘疵。
二主蒙霜露，五胡犯鼎彝。世無管夷吾，令人重歎歎。
廣陌羌塵合，中州胡馬嘶。龍光射牛斗，日影化虹蜺。
闡草來洛汭，墾田趨江湄。二百有四年，方駕而並馳。
東晉分南尾，時或產靈芝。凡經五改命，至陳卒昌隋。
國破西風暮，城荒春草萋。長江空滿目，行客浪一作淚。
沾衣後魏開，北首孝文幾。緝綬河陰旋，有變國分爲。
東西爾朱奮，高氏宇文滅。北齊及隋始，併陳四海爲。
藩籬。泛汴公私賈，征遼士卒疲。有身皆厭苦，無口不

嗟咨處處稱，年號人人思。亂離中原未有主，誰識非
鹿麋。千一難知日，天人相與期。龍騰則雲霧，虎步則
風淒。母后專朝日，相仍紊官闈。可嗟桓彥範，不殺武
三思。繡嶺喧歌舞，漁陽動鼓鼙。太平其可傲，徒罪一
楊妃。劔閣離天日，潼關漏虎貔。兩京皆覆沒，九廟咸
傾欹。樂極則悲至，恩交則害攜。事無可奈何，舉目誰
與比。自此藩方盛，都無臣子祇。恃功而不朝，討賊以
爲詞。各擁部兵盛，誰憐玉室卑。邀朝廷姑息，觀社稷
安危。攻取非君命，誅求本自肥。乘輿時播越，扈從或
參差。尾大知難運，鞭長豈易麾。長姦憂必至，養虎害

晞

終貽國步何顛沛君心空忸怩時來花爛熳勢去葉
離披十姓分中夏五家遞通達徒明星有爛但東方
未晞纔返長蘆鎮旋驅胡柳陂絳霄兵自取玄武火
何癡中渡降堪罪樂城死可嗤太原朝見入劉子夕
聞帝事體重重別人情旋旋移棄灰猶隱火朽骨尚
稱龜譎詐多陰中艱憂常自罹撓防膚革易患救腹
心遲語禍不旋踵言傷浪噬臍欲升還隕落將墜却
扶持瞑眩人皆惡康寧世共晞須能蠲重疾始可謂
良醫久廢田磽確難行路嶮巖不逢真主出何以見
施為家國遑迴極君臣際會稀上天生假手我宋遂

開基虞舜隨方設羣豪引領歸迄今百餘載兵革民
不知成敗須歸命興亡自繫時天機不常設國手無
常施往事都陳跡前書略可依比觀之博奕不差乎
毫釐消長天旋運陰陽道範圍吉凶人變化動靜事
樞機疾走者先顛遲茂者後萎與其交受害不若兩
忘之求魚必以筌獲兔必以罟得之不能忘羊質而
虎皮道大聞老子才難語仲尼造形能自悟當局豈
憂迷黑白焉能免死生奚足倚應機如破的迎亦不
容絲勿訝傍人笑休防冷眼窺既能通妙用何必患
多岐同道道亦得先天天弗違窮理以盡性放言而

遣辭視外方知簡聽餘始識希大莫無以和玄酒莫
能海上兵不可伐巧曆不可推善言不可道逸駕不
可追兄弟專乎愛父子主于慈天下亦可授此者不
可私

過溫寄鞏縣宰吳秘丞

皇祐元年

風軟玉溪騰醉騎花繁石窟漾歌舟相望咫尺仙凡
隔不得同陪三月遊

新居成呈劉君玉殿院

履道坊南竹徑修綠楊陰裏水分流衆賢買得澄心
景獨我居爲養志秋若比陳門誠已僭苟陪顏巷亦

堪憂無端風雨雖狂暴不信能凌沈隱侯

寄謝三城太守韓子華舍人

洛陽自爲都二千有餘年舉步圖籍中開目今古間
西北岌宮殿東南傾山川照人伊洛清迎門嵩少寒
水竹最佳處履道之南偏下有幽人室一徑通柴關
蓬蒿隱其居藜藿品其飧上親下妻子厚薄隨其緣
人雖不堪憂已亦不改安閱史悟興亡探經得根源
有客謂予曰子獨不通權清朝能用才聖主正求賢
道德與仁義不徒爲空言功業貴及時何不求美官
上食天子祿下拯蒼生殘通衢張大第負郭廣良田

朱門爛金紫青樓繁管絃外廐列肥駿後庭羅織妍
入則坐虛堂出則乘華軒冠劍何燁燁氣體自舒閑
高談天下事廣坐生晴烟人莫敢仰視屏息候其顏
此所謂男子志可得而觀又何必自苦形容若枯鱸
道古人行事拾前世遺編而臨水一溝而愛竹數竿
此所謂匹夫節何足而攀予敢對客曰事有難其詮
身非好敝縕口非惡珍瓊豈不知繫匏而固辭執鞭
蓋懼觀朵頤敢忘責丘園深極有層波峻極有層巔
履之若平地此非人所艱貧賤人所苦富貴人所遷
處之若無事此誠人所難進行已之道退養已之全

既未知易地胡為乎不堅敢謂客之說曾無所取焉
猗嗟乎玉兮產之於荆山和氏雖云知楚國未為然
污隆道屈伸進退時後先苟不循此理玉毀誰之愆
道之未行兮其命也在天近日遊三城薄言尚盤桓
當世之名卿加等為之延或清夜論道或後池漾船
數夕文酒會有無涯之歡十月初寒外萬葉清霜前
歸來到環堵竹牕晴醉眠仰謝君子知代書成此篇

答寄堯夫先生

穎川韓絳

君子志於道出處非一端伊尹負鼎俎顏淵樂瓢簞
斯自理適當匪緣情所安超然達者致邈矣誰可攀

嗟嗟狂若猶狗已缺其完軒冕死不釋山林趨不還
 我愛邵夫子醇氣充見顏羣經究彼邃古史閱而刪
 不為詭異行已蹈時俗難逃名去淇澳築室伊洛間
 抱業舍仕進竭心奉親歡修竹當環堵寒流日潺潺
 問誰從之遊結駟款其關茲予久欣慕欲往良獨艱
 幸君適河內至此解征鞍僚友恃交舊屈致及門闌
 前迎倒我徒布席羅雕盤高談未一二長揖忽歸騫
 不意饋雙鯉剖腴出琅玕何以報嘉惠永懷金與蘭
 依韻和張元伯職方歲除嘉祐元年
 及正四十六老去耻無才殘臘方迴律新春又起灰

非唯忘利祿况復外形骸白髮已過半光陰任自催

謝鄭守王密學惠酒

堂堂大府來新酒密密小園開好花此日飲之紅樹
 下還驚不稱野人家

小園逢春

小隱園中百本花各隨紅紫發新芽東君見借陽和
 力不減公侯富貴家

和張二少卿丈白菊

清淡曉凝霜宜乎殿顛商自知能潔白誰念獨芬芳
 豈爲瓊無艷還驚雪有香素英浮玉液一色混瑤觴

生男吟 嘉祐二年

我今行年四十五生男方始為人父鞠育教誨誠在
我壽天賢愚繫於汝我若壽命七十歲眼前見汝二
十五我欲願汝成大賢未知天意肯從否

閑吟四首

平生如仕官隨分在風波所損無紀極所得能幾何
既垂經世慮尚可全天和樽中有酒時且飲復且歌

其二

予年四十七已甫知命路豈意天不絕生男始為父
且免散琴書敢望大門戶萬事盡如此何用過憂懼

其三

居洛八九載投心唯二三相逢各自首共坐多清談
人事已默定世情曾又諧酒行勿相逼徐得奉醺酣

其四

欲有一瓢樂曾無二頃田丹誠未貫日白髮已華顛
雲意寒尤淡松心老益堅年來疎懶甚時憶舊林泉
和張少卿丈再到洛陽

當年曾任青春客今日重來白雲翁今日當年已一
世幾多興替在其中

高竹八首

高竹百餘挺固知為予生忽忽有所得時時閑遶行
自信或未至自知或未明竊比于古人不能無愧情

其二

高竹臨清溝軒小亦且幽光陰雖屬夏風露已驚秋
月色林間出泉聲砌下流誰知此夜情邈矣不能收

其三

高竹已可愛况在垂楊下幽人無軒冕得此自可詭
枉尺既不能括囊又何謝賈生若知此慟哭亦自罷

其四

高竹碧相倚自能發餘清時時微風來萬葉同一聲

道汚得夷理物虛含遠情堦前閑步人意思何清平

其五

高竹如碧幢翠柳若低蓋幽人有軒榻日夜與之對
字靜覺神開景閑喜真會與其喪吾真孰若從吾愛

其六

高竹雜高梧還驚秋節初晚涼尤可喜舊帙亦宜舒
池閣輕風裏園林晚景餘人生有此樂何必較錙銖

其七

高竹數十尺仍在高花上柴門晝不開青碧日相向
非止身体逸是亦心夷曠能知閑之樂自可敵卿相

晚

其八

高竹逾冬青四月方易葉抽萌如止戈解穰若脫甲
修靜信可愛連行不知匝嗟哉凡草木徒自費鋤鋪

秋白飲鄭州宋園示管城簿周正叔

二都相去四百里中有名園屬宋家古木參天羅劔
戟長籐隨地走龍蛇我來遊日逢秋杪君為開筵對
晚花飲散竹軒微雨後凌晨歸路起棲鴉

重陽日再到共城百源故居

故國逢佳節登臨但可悲山川一夢外風月十年期
白髮飄新鬢黃花連舊籬鄉人應笑我畫錦是男兒

過陝 嘉祐三年

吾祖道何光二南分一方開周為太保封陝輔成王
歲月裝遼邈山川造渺茫世孫雖不肖猶解憶甘棠

題黃河

誰言為利多於害我謂長津未始清西至崑崙東至
海其間多少不平聲

過潼關

禁密因離亂機閑為太平山河雖設險道德豈容爭
不究千一義空傳百一名遐方久無外何復用雞鳴

題華山

域中有五嶽國家謹時祀華嶽居其一作鎮雄西裔
唐號金天王今封順聖帝呼咈哉若神僭竊同天地

宿華清宮

天寶初六載作宮於溫泉明皇與妃子自此歲幸焉
紫閣清風裏崇巒皓月前奈何雙石甕香溜尚滄滄

登朝元閣

繡嶺岌層巒若堯十九盤微微經雨後杳杳出雲端
往事金輿遠遺蹤玉像殘至今臨渭水依舊見長安

長安道中作

長安道上何沾巾古時道行今時人不知寒暑與朝

暮車輪馬跡常駢駢自是此土亦辛苦雨作泥兮風
為塵泥塵返復不知數大雨大風無出門

題留侯廟

滅項興劉如覆手絕秦昌漢若更秦卷舒天下坐籌
日鍛鍊心源辟穀時黃石公傳皆是用赤松子伴更
何為如君才業求其此今古相望不記誰

題淮陰侯廟十首

一身作亂宜從戮三族全夷似少恩漢道是時初雜
霸蕭何王佐殆非尊

據立大功非不智復貪玉爵似專愚造成四百年炎

漢纔得安寧及受誅
 生身既得逢真主立事何須作假主誰謂禍階從此
 始不道翹首怨高皇
 一時韓信為良犬千古蕭何作霸臣彼此並于名教
 罪罪猶不逮謂斯人
 韓信事劉元不叛蕭何惑漢竟生疑當初若聽蒯通
 語高祖功名未可知
 雖則有才兼有智存亡進退處非真五湖依舊烟波
 在范蠡無人繼後塵
 若非韓信難除項不得蕭何莫制韓天下須知無

手苟非高祖用蕭難

漢家基定議功勳異姓封王有五人
 不似淮陰最雄傑敢教根固又生秦

韓信恃功前慮寡漢皇負德尚權安
 幽囚必欲擒來斬固要加諸甚不難

若履暴榮須暴辱既經多喜必多憂
 功成能讓封王印世世長為烈士侯

鳳州郡樓上書所見

楊柳垂青帶風動如飛蓋危樓思不窮
 盡日閑相對鳥去林自空雲移山不礙
 情隨雙燕還意與孤鴻會

晚角時斷續層崖遞明晦殘陽掛疎紅遠水生微瀨
塞自烟岑密都城若天外如何久客心東望憑欄殺

自鳳州還至秦川驛寄守倅薛姚二君

歡聚九十日迴首都如夢明月與清江東軒又難共

謝西臺張元伯雪中送詩

洛城雪片大如手爐中無火樽無酒凌晨有人來打

門言送西臺詩一首

送猗氏張主簿

人間仕宦幾千里堂上親闈別兩重須念鵬飛從此
始方今路險善求容

新正吟

嘉祐五年

遽愛知非日宜尼讀易年人情止於是天意豈徒然
立事情尤倦思山與更堅誰能同此志相伴老伊川

春遊五首

五嶺梅花迎臘開三川正月賞寒梅相去萬里先
月始知春色從南來何人妙曲傳羌笛盡日清香落
酒杯料得天涯未歸客也應臨此重徘徊

洛城春色浩無涯春色城東又復嘉風力緩搖千樹
柳水光輕盪半川花烟晴翡翠飛平岸日暖鴛鴦下
淺沙不見君主西幸久遊人但感鬢空華

二月方當爛漫時翠華未幸春無依綠楊陰裏尋芳
遍紅杏香中帶醉歸數片落花蝴蝶趁一竿斜日流
鶯啼清樽有酒慈親樂猶得階前戲綵衣
人間佳節唯寒食天下名園重洛陽金谷煖橫官殿
碧銅駝晴合綺羅光橋邊楊柳細垂地花外鞦韆半
出墻白馬蹄輕草如剪爛遊於此十年強
三月牡丹方盛開鼓聲多處是亭臺車中遊女自笑
語樓下看人閑往來積翠波光搖帳幄上陽花氣撲
樽壘西都風氣所宜者草木空妖誰復哀

竹庭睡起

竹庭睡起閑隱几悠悠夏日光景長鷺方引雛教嫩
舌杏正垂實裝輕黃雨滴幽夢時斷續風翻遠思還
飛揚小渠弄水綠陰密迴首又且數日強

秋遊六首

七月芙蓉正爛開東南園近日徘徊有時風向池心
過無限香從水面來菴畫溪深方誤入洞庭湖晚未
成迴坐來一霎蕭蕭雨又送新涼到酒杯
先秋顯氣已潛生洛邑方知節候平庭院乍涼人共
喜園林經雨氣尤清迴舟伊水風微滑緩轡天津月
正明自有臯夔分聖念好將詩酒樂昇平

八月光陰未甚淒，松亭竹榭尤爲宜。况當晝夜初停處，正是炎涼得所時。明月入懷如有意，好風迎面似相知。閑人歌詠自怡悅，不管朝廷不採詩。
家住城南水竹涯，乘秋行樂未嘗虧。輕寒氣候我自愛，半醉光陰人莫知。信馬天街微雨後，凭欄僧閣晚晴時。十年美景追尋遍，好向風前摘白髭。
九月風光雖已暮，中州景物未全衰。眼觀秋色千萬里，手把黃花三兩枝。美酒易消閑歲月，青銅休照老容儀。若言必使他人信，瀝盡丹誠誰肯知。
霜天寥落思無窮，不奈樓高逼望中。四面溪山徒滿

目九秋，宮殿自危空。雲橫遠嶠，于尋直霞亂斜陽。數縷紅無限，傷情言不到，共誰開口向西風。

秋日即事

鳥聲亂畫林，爲誰苦驅迫。蟲聲亂夜庭，爲誰苦勞役。嗟哉彼何短，一槩無休息。借問此何長，兩能忘語默。

商山道中作

十舍到商顏，雖遙不甚艱。東西溯洛水，表裏看秦山。身在烟霞外，心存人子間。庭闈况非遠，自可指期還。

和商洛章子厚長官早梅

只應王母專輕巧，剪碎天邊亂白雲。無限清香與清

豐樽前飫享盡輸君
梅覆春溪水遶山梅花爛漫水潺湲南秦地暖開仍
早比至春初已數番
羣芳萬品遞相催若說高標獨有梅會得東君無別
意爲憐清淡使先開
霜扶清格高高起風駕寒香遠遠留太守多情客多
感金樽倒盡是良籌

商山旅中作

殘火昏燈夜正沉默思前事擁寒衾霜天皎月雖千里不抵傷時一寸心

和商守宋郎中早梅

山南地似嶺南溫臘月梅開已來辰耻與百花爭俗
態獨殊羣艷占先春角中飄去淒於骨笛裏吹來妙
入神秀額粧殘黏素粉畫梁歌煖起輕塵宰君惜艷
獻州牧太守分香及野人手把數枝重疊嗅忍教芳
酒不濡脣

和人放懷

爲人雖未有前知富貴功名豈力爲滌蕩襟懷須是
酒優游情思莫如詩況當水竹雲山地忍負風花雪
月期男子雄圖存用舍不開眉笑待何時

和商守登樓看雪

西樓賞雪眼偏明次第身疑在水晶
千片萬片巧粧地半舞半飛斜
犯極形如玉屑依還碎體似楊花
又更輕誰謂天涯有羈客一般對酒
兩般情

和商守西樓雪霽

大雪初晴日半曛高樓何惜上仍頻
數峰茜翠劍鋌立一水縈紆冰縷新
崑嶺移歸都是玉天河落後盡成銀
幽人自恨無佳句景物從來不負人

和商守雪殘登樓

殘雪已消冰已開風光漸覺擁樓臺
旅人未逐日邊

去春色又從天上來況是樽中常有酒
豈堪嶺上却無梅若非太守金蘭契誰肯傾心重不才

和商守雪霽對月

雪滿羣山霜滿庭光寒月碾一輪輕
羈懷殊少癖時樂皓彩空多此夜明
竹近簾櫳饒碎影風涵臺榭有餘清
恨無好句酬佳景徒自淒涼夢不成

和商守雪霽登樓

百尺危樓小雪晴晚來閑望逼人清
山橫暮靄高還下水隔疎林淡復明
天際落霞千萬縷風餘殘角兩三聲
此時此景真堪畫只恐丹青筆未精

旅中歲除

比到明年無數刻且令芳酒更斟回星杓建丑晦將
盡歲箭射人春又來不用物情閑作梗大都心緒已
成灰浮名更在浮雲外瞬息光陰况復催

和商守新歲

嘉祐六年

衰軀在旅逢新歲因感平生鬢易凋飲罷襟懷還寂
寞歡餘情緒却無聊望仙風月晴偏好抹綠簾櫳夜
正遙對此塊然唯土木降茲未始不蒐銷

追和王常侍登郡樓望山

四賢當日此盤桓千百年人尚厚顏天下有名難避

世胸中無物漫居山事觀今古興亡後道在君臣進
退間若蘊奇才必奇用不然須負一生閑

題四皓廟四首

強秦失御血橫流天下求君君不有正是英雄較一
角逐時未知鹿入何人手

灞上真人既已翔四人相顧都無語徐云天命自有
歸不若追蹤巢與許

漢皇傲物終難屈太子卑辭方肯出雖老猶能成大
功至今高義如星日

田橫入海猶能得商至長安百里強能使四人成美

節始知高祖是真主

謝商守宋郎中寄到天柱山戶帖仍依元韻

商於飛到一符新遂已平生分外親
尤喜紫芝先入手西南天柱與天鄰

初心本欲踐臣鄰帝里司回斗柄春
今日得居天柱下不憂先有夜行人

不將生殺奏嚴宸却抱烟嵐學隱淪
多謝使君虛右席重延天柱下山人

一簇烟嵐鎖亂雲孤高天柱好樓真
從今便作西歸計免向人間更問津

無成麋鹿久同羣占籍恩深荷使君
萬古千年名與姓得隨天柱數峰存

寄商守宋郎中

初返洛城無限事閑人體分似相違
如今一向覺優逸却類商顏嘯傲時

遊山三首

城邑又作闕久居心自倦闐闐繞出眼
先明龍門看盡

伊川景女兒聽殘洛水聲太室觀餘紅日旭
天壇望罷白雲生此身已許陪真侶不為錙銖起重輕

春盡登臨正得宜人情天氣兩融怡
泛舟伊水風廻

夜垂釣溪門月上時逸興劇憑詩放肆病軀惟仰酒
扶持浮生日月無多子恐向其間更斂眉
樂則行之憂則違大都知命是男兒至微功業人難
必儘好雲山我自怡休憚烟嵐雖遠處且乘筋力未
衰時平生足外更何樂富貴榮華過則悲

二色桃

施朱施粉色俱好傾國傾城艷不同疑是藥宮雙姊
妹一時俱肯嫁春風

登山臨水吟

山有喬峰水有濤未能容屐豈容舸非無仁智斯爲

樂少有登臨不憚勞言味止知甘鱸炙語真誰是識
瓊瑤自慙不盡人才處長恨令人論太高

謝富丞相招出仕二首

相招多謝不相遺將謂胷中有所施若進豈能禁吏
責既閑安用更名爲將命者云如不欲仕願同巢許亦可奉致一閑名目願同巢許
稱臣日甘老唐虞比屋時滿眼清賢在朝列病夫無
以繫安危

欲遂終焉老閑計未知天意果如何幾重軒冕酬身
貴得似雲山到眼多好景未嘗無興詠壯心都已入
消磨鶴鴻自有江湖樂安用區區設網羅

答人語名教

開闢而來世教敷其間雄者號真儒修身有道名先
覺何代無人達奧區煥若丹青經史義明如日月聖
人途鯁生涵泳鮮云久天下英才敢厚誣

送王伯初學士赴北京機宜

丈夫志氣蓋棺定自有雄圖繫重輕去路不能無感
舊到官爭忍便忘情閑時語話貴精密先事經營在
太平誰謂禦戎無上策代人謀處不須兵

答人放言

經時不見意何如重出新詩笑語初物理悟來添性

淡天心到後覺情疎已全孟樂君無限未識遠非我
有餘大率空名如所論此身甘老在樵漁

賀人致政

人情大率喜為官達士何嘗有所牽解印本非嫌薄
祿掛冠殊不為高平因通物性與衰理逐悟天心用
舍權宜放襟懷在清景吾鄉况有好林泉

放言

既得希夷樂會無寵辱驚泥空終日看齊物到頭爭
忽忽閑拈筆時時自寫名誰能苦真性情外更生情

初秋

夏去暑猶在，用餘涼始來。堦前已流水，天外尚驚雷。
曲几靜中隱，衡門閑處開。壯心都已矣，何事更裝懷。

偶書

堪笑又堪嗟，人生果若何。宜將萬端事，都入一聲歌。
世態逾翻掌，年光劇逝波。靜中真氣味，所得不勝多。

傷足

災由無妄得為患，固非深乖已。攝生理貽親憂，慮心
乍然艱步履。偶爾阻登臨，逾月方能出。難忘樂正箴。

閑行

園圃正蕭然，行吟逸澤邊。風驚初社後，葉墜未霜前。

衰草觀斜日，暮雲扶遠天。何當見真象，止可入無言。

晨起

山高水復深，無計奈何今。地盡一時事，天開萬古心。
輕烟籠曉閣，微雨散青林。此景雖平淡，人間何處尋。

月夜

雨霽風自好，秋深天未寒。移牀就堦下，看月出林端。
有酒欲共飲，無賓可對歡。他時遇良友，此景復求難。

盆池

三五小圓荷，盆容水不多。雖非太藪澤，亦有小風波。
粗起江湖趣，殊無鴛鴦過。幽人與難遇，時遠醉吟哦。

遊山二首

洛川多好山伊川多美竹遊既各有時雖頻無倦目
貪清非傷廉瀆幽不為辱麋鹿不害人心無害麋鹿

其二

一室多好峰三川多好雲看之不知倦和氣潛生神
一慮若動盪萬事從紛紜人言無事貴身為無事人

龍門道中作

物理人情自可明何嘗戚戚向平生卷舒在我有成
筭用舍隨時無定名滿目雲山俱是樂一毫榮辱不
須驚侯門見說深如海三十年來掉臂行

名利吟

名利到頭非樂事風波終久少安流稍鄰美譽無多
取纔近清歡與賸求美譽既多須有患清歡雖賸且
無憂滔滔天下曾知否覆轍相尋卒未休

何事吟

何事教人用意深出塵些子索沉吟施為欲似千鈞
弩磨礪當如百鍊金釣水誤持生殺柄着慕閑動戰
爭心一杯美酒聊康濟林下時時或自斟

三十年吟

三十年間更一世其間堪笑復堪愁天生天殺何嘗

盡人是人非殊未休喜偶鴛鴦頭早白能啼杜宇血
先流須知却被害才爲害及至無才又却憂

遊洛川初出厚載門

初出都門外西南指洛阪山川開遠意天地掛雙眸
村落桑榆晚田家禾黍秋民間有此樂何必待封侯

宿延秋莊

驅車入洛川下馬弄飛泉乍有雲山樂殊無朝市喧
非唯快心志自可忘形言借問塵中友誰爲得手先

宿壽安西寺

好景信移情直連毛骨清爲憐多勝槩尤喜近都城

竹色交山色松聲亂水聲豈辭終日愛解榻倚虛楹

過永濟橋二首

山背錦幃開河臨永濟迴土田平似掌桑柘大如槐
斜日射虹去低雲將雨來無涯負清景長是愧非才

其二

一水一溪門溪門雲復屯珍禽轉喬木幽鹿走荒榛
雨脚拖平地稻畦扶遠村高城半頽缺興廢事休論

至福昌縣作

清景幾人愛愛之當遠尋及臨韓嶽近始見洛川深
縣在雲山腹民居水竹心無機類閑物愈覺少知音

燕堂卽事

川上數峰青，林間一水明。閑雲無定體，幽鳥不知名。
遊侶既非約，歸期莫計程。錙銖入世事，休強作威獍。

上寺看南山

疊疊是峰巒，西連梁雍寬。與其行裏看，不若坐中觀。
包括經唐漢，并吞歷晉韓。消沉事難問，唯爾尚巉巖。

縣尉解宇蓮池

縣尉小齋前，水清池有蓮。豈惟觀菡萏，兼可聽潺湲。
宛類江湖上，殊非塵土邊。古人用心處，料得不徒然。

女兒祠

西南有高山，山在杳冥間。神仙不可見，滿目空雲烟。
千年女兒祠，門臨洛水邊。但聞霓裳曲，世人猶或傳。

故連昌宮

洛水來西南，昌水來西北。二水合流處，官墻有遺壁。
行人徒想像，往事皆陳迹。空餘女兒山，正對三鄉驛。
川上懷舊

其二

去秋遊洛源，今秋遊洛川。川水雖無情，人心剛悄然。
目亂千萬山，一山一重烟。山盡烟不盡，烟與天相連。
田夫忙治禾，水禽閑求魚。二者皆苦食，動靜何相殊。

事過見休感時來知卷舒回顧此二物易地還何如
其三

為今日之山是昔日之原為今日之原是昔日之川
山川尚如此人事宜信然幸免紅塵中隨風浪着鞭
其四

地迴川原闊村孤烟水閑雷輕龍過一作浦雲亂雨
移山田者荷鋤去漁人背網還伊子獨霑濕猶在道
途間

燕堂暑飲

燕堂通高明簷依斷崖欽涼風來松梢清泉飛竹陰

佳果間紅綠旨酒隨淺深却思闌闌間鬱蒸不可任

燕堂閑坐

天網疎難漏世網密莫通我心久不動一脫一網中
高竹漱清泉長松迎清風又云蕭洒松間月清冷竹外風此時逢此
景正與此心同

立秋日川上作

富貴固難愛貧寒易得愁休將少時態移作老年籌
既有非常樂須防不次憂誰能保終始長作國公侯
辨熊耳

昔禹別九州導洛自熊耳熊耳自有兩未審孰為是

東者近成周西者隔丹水書傳稱上洛斯言得之矣

登女几

子看山多矣未嘗逢此奇巨崖如格虎險石若張旗
雲意閑舒卷巖形屢改移丹青難狀處四面盡如斯
川上南望伊川

山留禹鑿門川閣堯水痕古人不復見古跡尚或存
歲月易凋謝善惡難湮淪無作近名事強邀世俗尊

牧童

隨行笠與蓑未始散天和煖戲荒城側寒隈古塚阿
數聲牛背笛一曲隴頭歌應是無心問朝廷事若何


夢中吟

夢中說夢猶能憶夢覺夢中還又隔今日恩光空喜
歡當年意愛難尋覓水成流處豈無聲花到謝時安
有_レ色過此相逢陌路人都如_レ元末曾相識

國子祭酒林信言子恭園畢

擊壤卷之二終

設手義全書



己酉閏十月二十夕一校加朱

林宗也

Faint vertical text within a rectangular border, possibly bleed-through from the reverse side of the page.

